




月

八十

大唐西域記

曆

ル 7
3048
4



八
2422
4

ル 7
3048
4

大唐西域記卷第七

三藏法師

玄奘奉詔譯

大摠持寺沙門辨機撰

五國

婆羅痾^ハ反^ラ女^ハ斯^シ國

載主國

吠舍釐^イ反^リ力^カ支^シ國

弗栗恃國

尼波羅國

婆羅痾斯國周四千餘里國大都城西臨殍伽河長十八九里廣五六里閭閻^{クニノミヤ}栴^{ササ}比^ヒ居人殷盛家積巨萬室盈^ミ奇貨^カ人性溫恭^ニ俗重強學^シ多信^ク外道少敬佛法

西域記

氣序和暢穀稼盛果木扶疏茂草蘊靡伽藍三十餘所僧徒三千餘人並學小乘正量部法天祠百餘所外道萬餘人並多宗事大自在天或斷髮或堆髮露形無服塗身以灰精勤苦行求出生死大城中天祠二十所層臺祠宇彫石文木茂林相蔭清流交帶鑰石天像量減百尺威嚴肅然懍懍如在大城東北婆羅痾河西有窣堵波無憂王之所建也高百餘尺前建石柱碧鮮若鏡光潤凝流其中常現如來影像

婆羅痾河東北行十餘里至鹿野伽藍區界八分連

垣周垣層軒重閣麗窮規矩僧徒一千五百人並學小乘正量部法太垣中有精舍高二百餘尺上以黃金隱起作菴沒羅果石爲基陛軌作層龕龕中四節級百數皆有隱起黃金佛像精舍之中鑰石佛像量等如來身作轉法輪勢

精舍西南有石窣堵波無憂王建也基雖傾陷尚餘百尺前建石柱高七十餘尺石含玉潤鑒照映徹懋懋懃祈請影見衆像善惡之相時有見者是如來成正覺已初轉法輪處也其側不遠窣堵波是阿若憍陳如等見菩薩捨苦行遂不侍衛來三於此而自習定

其傍窣堵波是五百獨覺同入涅槃處又三窣堵波
過去三佛座及經行遺迹之所

三佛經行側有窣堵波是梅咀麗耶唐言慈即姓也舊曰彌勒說也

菩薩受成佛記處昔者如來在王舍城鷲峯山告諸

苾芻當來之世此瞻部洲土地平正人壽八萬歲有

婆羅門有子慈氏者身真金色光明照朗當捨家成

正覺廣為衆生三會說法其濟度者皆我遺法植福

衆生也其於三寶深敬一心在家出家持戒犯戒皆

蒙化導證果解脫三會說法之中度我遺法之徒然

後乃化同緣善友是時慈氏菩薩聞佛此說從座起

白佛願我作彼慈氏世尊如來告曰如汝所言當
證此果如上所說皆汝教化之儀也

慈氏菩薩受記西有窣堵波是釋迦菩薩受記之處

賢劫中人壽二萬歲迦葉波佛出現於世轉妙法輪

開化含識授護明菩薩記曰是菩薩於當來世衆生

壽命百歲之時當得成佛號釋迦牟尼釋迦菩薩受

記南不遠過去四佛經行遺迹長五十餘步高可七

尺以青石積成上作如來經行之像像形像與威嚴

肅然肉髻之上特出髻髮靈相無隱神鑒有微於其

垣內聖迹寔多諸精舍窣堵波數百餘所略舉二三

難用詳述

伽藍垣西有一清池周二百餘步如來掌中盥浴次西大池周一百八十步如來掌中滌器次北有池周百五十步如來掌中浣衣凡此三池並有龍止其水既深其味又甘澄淨皎潔常無增減有人慢心濯此池者金毗羅獸多爲之害若深恭敬汲用無懼浣衣池側大方石上有如來袈裟之迹其文明徹煥如雕鏤諸淨信者每來供養外道凶人輕蹈此石池中龍王便興風雨

池側不遠有窣堵波是如來修菩薩行時爲六牙象

王獵人剝其牙也許服袈裟續號伺捕象王爲敬加製

製遂拔牙而授焉

授牙側不遠有窣堵波是如來修菩薩行時墜卅無禮示爲鳥身與彼獼猴白象於此相問誰先見是尼拘律樹各言事迹遂編長幼化漸遠近人知上下道俗歸依其側不遠大林中有窣堵波是如來昔與提婆達多俱爲鹿王斷事之處昔於此處大林之中有兩群鹿各五百餘時此國王畋遊原澤菩薩鹿王前請王曰大王狡獵中原縱燎飛天凡我徒屬命盡茲晨不日腐臭無所充膳願欲次日輸一鹿王有

割鮮之膳我延且夕之命王善其言廻駕而返兩群之鹿更次輸命提婆群中有懷孕鹿次當就死白其主曰身雖應死子未次也鹿王怒曰誰不實命雌鹿嘆曰吾王不仁死無日矣乃告急菩薩鹿王鹿王曰悲哉慈母之心忍及未形吾今代汝遂至王門道路之人傳聲唱曰彼大鹿王今來入邑都人士庶莫不馳觀主之聞也以爲不誠問者自至王乃信然曰鹿王何遽來耶鹿曰有雌鹿當死胎子未產心不能忍敢以身代王聞歎曰我人身鹿也爾鹿身人也於是悉放諸鹿不復輸命即以其林爲諸鹿藪因而謂之

施鹿林焉鹿野之号自此而興伽藍西南二三里有窰堵波高三百餘尺基趾廣峙瑩飾奇珍既無層龕便置覆鉢雖建表柱而無輪鐸其側有小窰堵波是阿若憍陳如等五人棄制迎佛處也初薩婆曷刺他悉陀唐言一切義成舊太子踰城之後棲山隱谷忘身殞法淨飯王乃命家族三人舅氏二人曰我子一切義成捨家修學孤遊山澤獨處林藪故命爾曹隨知所止內則叔父伯舅外則既若且臣凡厥動靜宜知進止五人銜命相望營衛因即勤求欲期出離每相謂曰夫修道者苦證耶樂證耶二人曰安樂爲道

三人曰勤苦爲道二三交爭來有以明於是太子思惟至理爲伏苦行外道節麻米以支身彼二人者見而言曰太子所行非真實法夫道也者樂以證之今乃勤苦非言徒也捨而遠遁思惟果證太子六年苦行未證菩提欲驗苦行非真受乳糜而證果斯三人者聞而歎曰功垂成矣今其退矣六年苦行一旦捐功於是相從求訪二人既相見已匡坐高論更相議曰昔見太子一切義成出王宮就荒谷去珍服披鹿皮精勤勵志貞節苦心求深妙法期無上果今乃受牧女乳糜敗道虧志吾知之矣無能爲也彼二人曰

君何見之晚歟此猶蹶人耳夫處乎深宮安乎尊勝不能靜志遠迹山林棄轉輪王位爲鄙賤人行何可念哉言增忤怛耳菩薩浴尼連河坐菩提樹成等正覺号天人師寂然宴默惟察應度曰彼鬱頭藍子者證非想定堪受妙法空中諸天尋聲報曰鬱頭藍子命終已來經今七日如來歎惜斯何不過垂聞妙法邊從反化重更觀察營求世界有阿藍迦藍得無所有處定可授至理諸天又曰終已五日如來再歎愍其薄祐又更諦觀誰應受教唯施鹿林中有五人者可先誘道如來爾時起菩提樹趣鹿野園威儀寂靜

神光晃曜毫含玉彩身具金色安詳前進導以彼人
斯五人遙見如來牙相謂曰一切義成彼來者是歲
月遽淹聖果不證心斯已退故尋吾徒宜各默然勿
起迎禮如來漸近威神動物五人忘制拜迎問訊侍
從如儀如來漸誘示之妙理兩安居畢方獲果證
施鹿林東行二三里至窰堵波傍有涸池周八十餘
步一名救命又謂烈士聞諸梵志曰數百年前有一
隱士於此池側結廬屏迹博習伎術究極神理能使
瓦礫爲寶人畜易形但未能馭風雲陪仙駕閱闔考
古更求仙術其方曰夫神仙者長生之術也將欲求

學先定其志築建壇場周一丈餘命一烈士信勇昭
著執長刀立壇隅屏息絕言自昏達旦且求仙者中壇
而坐手按長刀口誦神咒收視及聽遲明登仙所執
鉞刀變爲寶劍陵虛履空王諸仙侶執劍指麾所欲
皆從無衰無老不病不死是人既得仙方行訪烈士
營求曠歲未詣心願後於城中遇見一人悲號逐路
隱士觀其相心甚慶悅即而慰問何至怨傷曰我以
貧窶傭力自濟其主見我特深信用期滿其歲當酬
重賞於是忍勤苦忘艱辛五年將周一旦違失既蒙
答辱又無所得以此爲心悲悼誰恤隱士命與同遊

來居草廬以術力故化具有饌已而令入池浴服以
新衣又以五百金錢遺之曰盡當來求幸無外也自
時厥後數加重賂潛行陰德感激其心烈士屢求効
命以報知己隱士曰我求烈士弥歷歲時幸而會遇
奇貌應圖非有他故願一夕不聲耳烈士曰死尚不
辭豈徒屏息於是設壇塲受仙法依方行事坐待日
曛曛暮之後各司其務隱士誦神咒烈士按銘刀殆
將曉矣忽發聲叫是時空中火下煙焰雲蒸士疾引
此人入池避難已而問曰誠子無聲何以驚叫烈士
曰受命後至夜分昏耽苦夢變異更起見昔事主躬來

躬慰謝感荷厚恩忍不報語波人震怒遂見殺害受
中陰身顧屍歎惜猶願歷世不言以報厚德遂見託
生南印度大婆羅門家乃至受胎出胎備經苦厄荷
恩荷德嘗不出聲泊乎受業冠婚喪親生子每念前
思忍而不謂宗戚屬咸見怪親異年過六十有五我妻
謂曰汝可言矣若不語者當殺汝子我時惟念已隔
生世自顧衰老唯此稚子因止其妻令無殺害遂發
此聲耳隱士曰我過也此魔燒耳烈士感恩悲事不
成憤恚而死免火災難故曰救命感恩而死又謂烈
士池烈士池西有三獸窰堵波是如來修菩薩行時

燒身之處劫初時於此林野有狐兔獐異類相悅時
天帝釋欲驗修菩薩行者降靈應化爲一老夫謂三
獸曰二三子善安隱乎無驚懼耶曰涉豐草遊茂林
異類同歡既安且樂老夫曰聞二三子情厚意密忘
其老弊故此遠尋今正飢乏何以饋食曰幸少留此
我躬馳訪於是同心虛已分路營求狐泝水濱銜一
鮮鯉接於林樹採異華巢俱來至止同進老夫唯兔
空還遊躍左右老夫謂曰以吾觀之爾曹未和獐孤
同志各能役心唯兔空還獨無相饋以此言之誠可
知也兔聞譏議謂狐獐曰多聚樵蘇方有所作狐獐

驚懼銜草曳木旣已瀕崇猛焰將熾兔曰仁者我身
卑劣所求難遂敢以微躬充此一食辭畢入火尋即
致死是時老夫復帝尺身除燼仗骸傷歎良久謂狐
曰一何至此吾感其心不泯其迹寄之月輪傳乎
後世故彼咸言月中之兔自斯而有後人於此建寧
波從此順流伽河流東行三百餘里至戰主國

唐

戰主國周二千餘里都城臨苑伽河周十餘里居人
豐樂邑里相隣土地膏腴稼穡時播氣序和暢風俗
淳質人性獷烈邪正兼信伽藍十餘所僧徒減千人

並皆遵習小乘教法天祠二十共之雜居矣大城西
北伽藍中窣堵波無愛王之所建也印度記曰此中
有如來舍利一升昔者世尊嘗於此處七日之中為
天人衆顯說妙法其側則有過去三佛坐及經行遺
迹之處隣此復有慈氏菩薩像形量雖小威神巋然
靈鑒潛通竒迹間起

大城東行二百餘里至阿達陀闍刺犍僧伽藍

唐言不穿

周垣不廣彫飾甚工華池交影雲閣連甍僧徒肅
穆衆儀庠序聞諸先志曰昔大靈山北觀貨邏國有
樂學沙門二三同志禮誦餘閑每相謂曰妙理幽玄

非言談所究聖迹昭著可足址所尋宜詢莫逆親觀
聖迹於是二三交友杖錫同遊即至迎度寓諸伽藍
輕其邊鄙莫之見舍外迫風露內累口腹顏色憔悴
形容枯槁時此國王出遊近郊見諸客僧怪而問曰
何方乞士何所因來耳既不穿耳又垢弊沙門對曰
我觀貨邏國人也恭承遺教高蹈俗塵率其同好觀
禮聖迹慨以薄福衆所同棄印度沙門莫顧羈旅欲
還本土巡禮未周雖迫勤苦心遂後已王聞其說用
增悲感即斯勝地建立伽藍白氎題書為之制曰我
惟尊居世上貴極人中斯皆三寶之靈祐也既為人

王受佛付囑允厥染衣吾當慈濟建此伽藍式招羈
旅自今已來諸穿耳僧我此伽藍不得止舍因其事
迹故以名焉阿迦陀羯刺拏伽藍東南行百餘里南
渡苑伽河至摩訶婆羅邑並婆羅門種不道佛法然
見沙門先訪學業知其強識方深禮敬苑伽河北有
那邏延天祠重閣層臺與共麗飾諸天之像鑄石而
成工極人謀靈應難究那羅延天祠東行三十餘里
有窰堵波無憂王之所建也大半陷地前建石柱高
餘二丈上作師子之像刻記伏鬼之事昔於此處有
曠野鬼特大威力噉人血肉作害生靈肆極妖崇如

依之敬齊以不殺之戒諸鬼承教奉以居施於是舉
石請佛安坐願聞正法克念護持自茲厥後無信之
徒難其推移鬼置石座動以萬數其之能轉茂林清
池周基左右人至其側無不心懼

伏鬼側不遠有數伽藍雖多傾毀尚有僧徒並皆遵
習大乘教法從此東南行百餘里至一窰堵波其已
傾陷餘高數丈昔者如來寂滅之後八國大王分舍
利重舍利婆羅門密塗瓶內分授諸王而婆羅門
持瓶以歸既得所黏舍利遂建窰堵波并瓶置內因

以名焉後無憂王開收舍利舊曰毗舍利國改建大率堵波或至
齊日時燭光明從此東北渡訛也中印度境伽河行百四五十里

至吠舍釐國舊曰毗舍利國吠舍釐國周五千餘里土地沃壤華果茂盛菴沒羅
果茂遮果既多且貴氣序和暢風俗淳實好福重學
邪正雜信伽藍數百多已北壞存者三五僧徒稀少
天祠數十具道雜形之徒定繁其黨吠舍釐城
已甚傾頽其故基趾周六七十里官城周四五里少
有居人官城西北五六里至一加藍僧徒寡少習學
小乘正量部法傍有窣堵波是昔如來說毗摩羅詰

經長者子寶積等獻寶蓋處其東有窣堵波舍利子
等於此證無學之果

舍利子證果東南有窣堵波是吠舍釐王之所建也
佛涅槃後此國先王分得舍利式修崇建印度記曰
此中舊有如來舍利一斛無憂王開取九斗唯留一
斗後有國王復欲開取方事興工尋則地震遂不敢
開其西北有窣堵波無憂王之所建也傍有石柱高
五六十尺上作師子之像石柱南有池是群獼猴爲
獼猴也在昔如來曾住於此池西不遠有窣堵波諸
獼猴持如來鉢上樹取蜜之處池南不遠有窣堵波是

諸獼猴奉佛蜜處池西北隅猶有獼猴形像伽藍東北三四里有窣堵波是毗摩羅詰摩訶目維摩詰略也故宅基趾多有靈異去此不遠有一神舍其狀疊甃傳云積石即無垢稱長者現疾說法之處去此不遠有窣堵波長者子寶積故宅去此不遠有窣堵波是菴沒羅女故宅佛姨母等諸苾芻尼於此證入涅槃

園有窣堵波是菴波羅女園持以施佛菴沒羅其得四神足若能住壽一劫如來今者當壽幾何如是再三阿難不對天魔迷惑故也阿難從坐而起林中宴然時魔來請佛曰如來在世教化已久蒙濟流土而諸魔日地土多耶爪土多耶對曰地土多也佛言所見者如爪上土未度者如大地土却後三月吾當涅槃聞歡喜而退阿難林中忽感異夢來白佛言我在林間夢見大樹枝葉茂盛蔭涼蒙密驚風忽

起摧散無餘將非世尊欲入寂滅我心懷懼故來請問佛告阿難吾先告汝汝爲魔弊不時請留魔王勸我早入涅槃已許之期斯夢是也

告涅槃期側不遠有窳堵波千子見父母處也昔有仙人隱居巖穴仲春之月鼓濯清流鹿隨飲感生太子姿貌迥入唯脚似鹿仙人見已收而舉焉其後命令求火至餘仙廬足所從地迹皆有蓮華彼仙見已深以奇之令其繞廬方乃得火鹿女依命得火而還時梵豫王畋遊見華尋迹以求悅其奇怪同載而返相師占言當生千子餘婦聞之莫不圖計日月既

造華華有千葉葉生二子餘婦誣罔咸稱不詳投殍伽河隨波泛濫焉若延王下流遊觀見黃雲蓋乘波而來取以開視乃有千子乳娘成立有大力焉恃有千子拓境四方其威乘勝將以此國時梵豫王聞之甚懼震懼兵力不敵計無所出矣是時鹿女心知其子乃謂王曰今寇戎臨境上下罹心賤妾愚衷能敗強敵王未之信也憂懼良深鹿女乃昇城樓以待寇至仁子將兵圍城已而鹿女告曰莫爲逆事我其汝母汝是我子千子謂曰何言之謬鹿女手按兩乳流注千岐天性所感感入其口於是解甲歸宗

釋兵返族兩國交歡百姓安樂千子歸宗側不遠有
窣堵波是如來經行舊迹指告衆曰昔吾於此歸宗
見親欲知子子即賢劫中千佛是也述本生東有故
基上建窣堵波光明時燭祈請或遂是如來說普門
陀羅尼等經重閣講堂餘址也
講堂側不遠有窣堵波中有阿難半身舍利去此不
遠有數百窣堵波欲定其數未有克知是千獨覺入
寂滅處吠舍釐城內外周墮聖迹繁多難以具舉形
勝故墟魚鱗間峙歲月駟改炎涼烝移林既摧殘池
亦枯涸朽株餘迹共詳驗焉

大城西北行五六十里至大窣堵波栗帖反婆子
舊曰離車別如來處如來自吠舍釐城趣拘尸那國
諸栗帖婆子聞佛將入寂滅相從號送世尊既見衰
容非言可喻即以神力化作大河崖岸深絕波流迅
急諸栗帖婆悲御以止如來留鉢爲作追念
吠舍釐城西北減二百里有故城荒蕪歲久居人曠
必中有窣堵波是佛在昔爲諸菩薩人天大衆引說
本生修菩薩行曾於此城爲轉輪王号曰摩訶提婆
摩訶天有七寶應王四天下覩衰反之相體無常之理
冥懷高蹈忘情大位捨國出家終衣修學

城東南行十四五里至大寧堵波是七百賢聖重結
集處佛涅槃後百一十年吠舍釐城有諸苾芻遠離
佛法謬行戒律時長老耶舍陀住憍薩羅國長老三
菩伽住秣菟羅國長老釐波多住轉若國長老沙羅
住吠舍釐國長老富闍蘇弥羅住娑羅梨弗國諸大
羅漢心得自在持三藏得三明有大名稱衆所知識
皆是尊者阿難弟子時耶舍陀遣使告諸賢聖皆可
集吠舍釐城猶少一人未滿七日是時富闍蘇弥羅
以天眼見諸大賢聖集議法事運神足至法會時三
菩伽於大衆中右袒長跪揚言曰衆無諍欽哉念哉

身憫念苾芻謬於戒律有十事出違十力教今諸賢
者深明持犯俱承大德阿難指誨念報佛恩重宣聖
旨時諸大衆莫不悲感即召集諸苾芻依毗奈耶訶
責制止剷除惡法宣明聖教

七百賢聖結集南行八九十里至濕吠多補羅僧伽
藍中摩訶與重閣疊飛僧衆清肅並學大乘其傍則
有過去四佛坐及經行道迹之處其側寧堵波無愛
王之所建也如來在昔南趣摩揭陀國北顧吠舍釐
城中途止息遺迹之處

濕吹多補羅伽藍東南行三十餘里苑伽河南北岸各有一窰堵波是尊者阿難陀分身與二國處阿難陀者如來之從父弟也多聞摠持博物強識佛去世後繼大迦葉住持正法導進字人在摩揭陀國於林

中經行見一沙弥諷誦佛經章句錯謬文字紛亂阿難聞已感慕增懷徐詣其所提撕指授沙弥笑曰大德宅矣所言謬矣我師高明春秋鼎盛親承示誨誠無所誤阿難默然退而嘆曰我年雖邁為諸衆生欲久住世住持正法然衆生垢重難以誨語久留無利可速滅度於是去摩揭陀國趣吠舍釐城渡苑伽河泛舟中流時摩揭陀王聞阿難去情深戀德即嚴戎駕疾馳追請數百千衆營軍南岸吠舍釐王聞阿難來悲喜盈心亦治軍旅奔馳迎候數百千衆屯集北岸兩軍相對旌旗翳日阿難恐聞其兵更相殺害從舟中起上昇虚空示現神及即入寂滅化火焚骸又中析一墮南岸一墮北岸於是二王各得二分舉軍號慟俱還本國起窰堵波而候供養從此東北行五百餘里至弗栗恃國北人謂三代時國北即度境弗栗恃國周四十餘里東西長南北狹土地膏腴華果茂盛氣序微寒人性躁急多敬外道少信佛法伽

藍十餘所僧徒減千人大小二乘兼功通學天祠數十外道寔衆國大都城号占戍擊多已頽毀故宮城中尚有二千餘家若村若邑也大河東北有伽藍僧徒寡少學業清高從此西行依河之濱有窣堵波高餘三丈南帶長流大悲卍尊度漁人處也越在佛卍五百漁人結儔附黨漁捕水族於此河流得一大魚有十八頭頭各兩眼諸漁人方欲害之如來在吠舍釐國天眼見興悲心乘其時而化導因其機而啓悟告諸大衆弗栗特國有大魚我欲導之以悟諸漁人尔宜知時於是大衆圍繞神足陵虛至於河濱如常

數摩遂告諸漁人尔勿殺魚以神通力開方便門威被大魚令知宿命能作人語貫解人情尔時如來知而故問汝在前身曾作何罪流轉惡趣受此弊身魚曰昔承福慶生自豪族大婆羅門劫比他者我身是也恃其族性陵蔑人倫恃其博物鄙視經法以輕慢心毀謗諸佛以惡惡語罵辱衆僧引類形比謂若馳驅象馬諸醜形對由此惡業受此弊身尚資宿善生還佛世日都聖化親承聖教因而懺謝悔先作業如來隨機攝化如應開導魚既聞法於是命終承茲福力上生天宮於是自觀其身何緣生此既知宿命念

報佛恩與諸天衆肩隨戾止前禮既畢右繞退立以
天寶香華持用供養世尊指告漁人爲說妙法於即
感悟輸誠禮懺裂網焚舟歸真受法既服染衣又聞
至教皆出塵垢俱證聖果度漁人東北行百餘里故
城西有窣堵波無憂王所建高百餘尺是佛在昔於
此六月說法度諸天人此百四五十步有小窣堵波
如來昔於此處爲諸苾芻制戒次西不遠有如來髮
爪窣堵波如來昔於此處近遠邑人相趨輻湊焚香
散華燈炬不絕從此西北千四五百里踰山入谷至
尼波羅國中印度境尼波羅國周四千餘里在雪山中國

大都城周二十餘里山川連屬宜穀稼多華果出赤
銅鼈牛命命鳥化用赤銅錢氣序寒冽風俗險詖人
性剛獷信義輕薄無學藝有工巧形貌醜弊邪正兼
信仰監天祠接堵連隅僧徒二千餘人大小一乘兼
收綜習外道異學其數不詳王刹帝利栗咄婆種也
志學清高純信佛法近代有王号鸞輪代摩唐書石
學聰敏自製聲明論重學敬德遐迹著聞都城東南
有小水池以人火投之水即焰起更投餘物亦變爲
火從此復還吠舍鼈國南渡殍伽河至摩揭陀國舊
摩伽陀又曰摩竭提皆訛也中印度境

大唐西域記卷第七

櫛比上阻風反下毗梳名二反 霍霍上息委反下兔慄慄
 也呂歸反敬髻髮上所交反 嚮胡上烏還反下音挨結
 反物殉詞以反正作物猖蹶音厥倒也 下怛怛音上
 力下丁逕也 閱音悅遺之贈也 賂音路饋食求位及
 反憂驚也 疑然上反連亮同前反 枯稿下音妖祟下反私懼心音上
 離憂栗占下良吉反反寘懷正也置也 無譁下音華也
 飛色上音脚五提撕二字音讀謗也 犛牛上莫交反 險諛彼
 記也反 光胄下直反 毫莫到老

福州等覺禪院住持傳法沙門普明 攸邱經板頭

錢恭為

今上皇帝祝延 聖壽闔郡官僚同資祿位彫造

大藏經印板計五百餘函時崇寧二年十月日謹題

大唐西域記卷第八

轉

三藏法師

玄奘奉

詔譯

大摠持寺沙門

辯機

撰

一國

摩揭陀國上

摩揭陀國周五千餘里城少居人邑多編戶地沃壤

滋稼穡有異稻種其粒大香味殊越北色特甚彼俗謂之供大人米土地墊濕邑居高原孟夏之後仲秋之前平居流水可以泛舟風俗淳質氣序溫暑崇重志學尊敬佛法伽藍五十餘所僧徒萬有餘人並多宗習大乘法教天祠數十異道寔多

殍伽河南有故城周七十餘里荒蕪雖久基趾尚有

昔者人壽無量歲時号拘蘇摩補羅城唐言香王官

多華故以名焉逮乎人壽數千歲更名波吒釐子城

舊曰已連弗邑訛也初有婆羅門高才博學門人數千傳以授

業諸學徒相徒遊觀有一書生徘徊帳望同儕謂曰

夫何憂乎曰盛色方剛驕遊獲影歲月已積藝業無

成顧此為言憂心弥劇於是學徒戲言之曰今將為

子求婚婚親乃假立二人為男父母二人為女父母

遂坐波吒釐樹謂女婿樹也採時果酌清流陳婚姻

之緒請好合之期時假女父攀華枝以授書生曰斯

嘉禮也幸無違焉書生之心欣然自得日暮言歸懷

意而止學徒口前言戲耳幸可同歸林中猛獸恐相

殘害書遂徬往來樹側景夕之後異光燭野管絃清

音悵陳列俄見老翁策杖來慰復有一媼請引少

女並賓從盈路袞服奏樂翁乃指少女曰此君之弱

室也酣歌樂讌經七日焉學徒疑為獸害往而求之
 乃見獨坐樹陰若對上客告與同歸辭不從命後自
 入城拜謁親故說其始末聞者驚駭與友諸人同往
 林中成見華樹是一大第僮僕役使驅馳往來而彼
 老翁從容接對陳辭奏樂賓主禮備諸友還城具告
 遠近暮歲之後生一子男謂其妻曰吾今欲歸未忍
 離阻適復留上棲寄飄露其妻既聞具以白父翁謂
 書生曰人生行樂誰必故鄉今將築室且無異志於
 是役使靈徒功成不日香華舊城遷都此邑由彼子
 故神為築城自爾之後國名波吒釐子城焉王故宮

北有石柱高數十尺是無憂王作地獄處釋迦如來
 涅槃之後第一百有阿輪迦唐言無憂王也王王考
 頻毗娑羅唐言影堅也王王考之曾孫也自王今城遷
 都波吒釐重築外郭周於故城年代漫遠唯餘故基
 伽藍天祠及宰堵波餘趾數百在者二三唯故宮北
 臨流伽河小城中有千餘家初無憂王嗣位之後舉
 措苛暴乃立地獄作害生靈周垣峻峙隅樓特起猛
 焰洪爐鎔鋒利刃備諸苦具擬像幽塗招募囚人立
 為獄主初以國中犯法罪人不按輕重摠入塗灰後
 以行經獄次擒以誅戮至者皆死遂緘口焉時有沙

門初入法衆巡里乞食遇至獄門獄吏囚人擒於殘
害沙門惶怖請得禮懺俄見一人縛來入獄斬截手
足碎裂形骸俯仰之間肢體糜散沙門見已深增悲
悼成無常觀證無學果獄卒曰可以死矣沙門既證
聖果心夷生死雖入鑊湯若在清池有大蓮華而為
之座獄主驚駭馳使白王王遂躬親深讚靈祐獄主
曰大王當死王曰云何對曰王先垂命令監刑獄
至獄垣皆從殺害不云王入而獨免死王曰法已
定理無再變我先垂令豈除汝身汝久濫生我之咎
也即命獄卒投之洪鑪獄主既死王乃得出於是願

精地墮廢獄寬刑

地獄南不遠有窣堵波基址傾陷唯餘覆鉢之勢寶
為廁師石作欄檻即八萬四千之一也無憂王以人
功建於宮焉中有如來舍利一升靈鑒開起神光時
無憂王登獄之後遇近護大阿羅漢方便善誘隨
機淨化王聞羅漢曰幸以宿福位據人尊慨茲障累
不遭佛化今若如來遺身舍利欲重修建諸窣堵波
羅漢曰大王以福德力役使百靈以弘誓願三
寶之所願也今其時矣因為廣說獻土之用來懇
記興建之功無憂王聞已慶悅召集鬼神而告之曰

法王導利。今靈有慶。我資宿善。專拯八中。如來遺身。重修供養。今爾鬼神。勦力同心。境極瞻部。戶滿狗豚。以佛舍利。起窣堵波。心發於我。功成於汝。勝福之利。非欲獨有。宜各營構。待後告命。鬼神受旨。在所興功。功既成已。咸來請命。無憂王既開八國。所建諸窣堵波。分其舍利。付鬼神已。謂羅漢曰。我心所欲。諸處同時藏下。舍利心雖此冀。事未從欲。羅漢白王。命鬼神至所期日。日有隱蔽。其狀如手。此時也宜下舍利王承此旨。宜告鬼神。逮乎期日。無憂王觀候光景。日正中時。羅漢以神通力。伸手蔽日。所建之所咸皆瞻仰。

同於此時。功績咸畢。

窣堵波側。不遠精舍中。有大石如來所履雙迹。猶存。其長尺有八寸。廣餘六寸矣。兩迹俱有輪相。十指皆顯。華文魚形。映起光明。時照昔者如來將取寂滅。北徇尸那城南。顧摩揭陀國。臨此石上。告阿難曰。吾今最後留此足迹。將入寂滅。顧摩揭陀也。百歲之後。有無憂王命。止君臨建都。此地匡護三寶。復使百神及無憂王之嗣位也。遷都築邑。掩固迹石。既近宮城。恒祀供養。後諸國王。競欲舉歸石。雖不大。衆莫能轉。近者設賞。逝王毀壞佛法。遂即石所欲滅。聖迹鑿已。

還平文彩如故。於是捐棄。疏伽河流。尋復本處。其側
窳堵波。即過去四佛坐及經行遺迹之所。佛迹精舍
側不遠。有大石柱。高三十餘尺。書記殘缺。其大略曰。
無憂王信根貞固。三以贍部洲。施佛法僧。三以諸珍
寶。重自酬贖。其辭云云。大略所在斯故。宮北有大石
室外。若崇山內。廣數大。是無憂王為出家弟。役使神
鬼之所。建初。無憂王有同母弟名摩醯。因陀羅。摩言大帝
生自貴族。服僭王制。奢侈縱暴。衆庶懷怨。國輔老巨
進諫。王曰。驕弟作威。亦以太甚。夫政平則國治。人和
則主安。古之明訓。由來久矣。願存國典。收付軌法。無

憂王泣謂弟曰。吾承基緒。覆燾生靈。況爾同胞。豈忘
慧愛。不先匡導。已陷刑法。上懼先靈。下迫衆議。摩醯
因陀羅。皆前謝曰。不自謹行。敢干國憲。願賜再生。更
究七日。於是置諸幽室。嚴加守衛。珍著上饌。進奉無
虧。守者唱曰。已過一日。餘有六日。至第六日。已既深
憂懼。更勵身心。思惟正法。示神通尋出塵俗。
遠獲貴客。無憂王躬往。謂曰。國制欲致嚴刑。豈
意清昇。取證聖果。既無滯累。可以還國。弟曰。昔竊愛
鋼心。馳聲色。今出危城。志悅山谷。願棄人間。長從丘
壑。王曰。欲靜心慮。豈必幽巖。吾從爾志。當為立樹。遂

召命鬼神而告之曰吾於後日廣備珍羞爾等相率
來集我會各持大石自爲牀座諸神受命至期畢
衆會既已王告神曰石座縱橫宜自積聚因功不勞
疊爲虛空諸神受命不日而成無憂王躬往迎請止
此山廬

故宮北地獄南有大石排是無憂王匠役神功作爲
此器飯僧之時以儲食也

故宮西南有小石山周巖谷間數十石室無憂王爲
近護等諸阿羅漢役使鬼神之所建立傍有故臺餘
基積石池沼漣漪清瀾澄鑒隣國遠人謂之聖水若

有飲濯罪垢消滅

山西南有五窰堵波崇基已陷餘趾尚高遠而望之
鬱若山阜面各數百步後人於上重更修建小窰堵
波印度記曰昔無憂王建八萬四千窰堵波已尚餘
五升舍利故別崇建五窰堵波製奇諸處靈異間起
以表如來五分法身薄信之徒竊相評議云是昔者
難陀王建此五藏以儲七寶其後有王不甚淳信聞
先疑議肆其貪求興動軍師躬臨發掘地震山傾雲
昏日翳窰堵波中大聲雷需士卒僵仆象馬驚奔自
茲已陷無敢覲覲或曰衆議雖多未爲確論循古所

記信得其實

故城東南有屈屈反勿吒阿濫摩唐言僧伽藍無憂王之所建焉無憂王初信佛法也式遵崇建修植善種召集千僧九聖兩衆四事供養什物周給頽毀已久基址尚存伽藍側有大窣堵波名阿摩落伽阿摩落伽者印度藥果之名也無憂王遘疾彌留知命不濟欲捨珍寶崇樹福田權臣執政勿從欲其後因食留阿摩落果玩之半爛握果長息問諸臣曰瞻部洲主今是何人諸臣對曰唯獨大王王曰不然我今非主作此半果而得自在嗟乎世間富貴危甚風燭

位據區宇名高稱謂臨終匱乏見逼強臣天下非已半果斯在乃命侍臣而告之曰持此半果詣彼雞園施諸衆僧作如是說昔一瞻部洲主今半阿摩落王替苾芻大德僧前願受最後之施凡諸所有皆已喪失唯斯半果得少自在哀愍貧乏增長福種僧中上座作如是言無憂大王宿期弘濟虐疾在躬茲臣擅命持此半果爲施承王來命普施衆僧即召典事中搃煮杖其果核起窣堵波既荷厚恩遂隨願命阿摩落伽窣堵波西北故伽藍中有窣堵波謂建捷推聲初此城內伽藍百數僧徒肅穆學業清高外道

學人鎮_シ聲_ヲ緘_シ口其後僧徒相次_ニ沮落_シ而諸後進其繼
前修外道師資傳訓成_ニ軌_ニ於其命_ニ德_ニ侶_ニ千計萬數
來集_ニ僧坊_ニ楊_ニ言_ニ唱_ニ曰大擊捷稚招集學人群愚同止
謬_ニ有_ニ扣擊_ニ遂_ニ白_ニ王請_ニ校_ニ優劣_ニ外道諸師高文達學僧
徒雖衆辭論庸_ニ淺_ニ外道曰我論勝自今已後諸僧伽
藍不得_ニ擊捷稚_ニ以集_ニ衆也王允其請依先論制僧徒
受_ニ耻_ニ忍_ニ詬_ニ而退十二年間不擊捷稚時南印度那伽
開刺樹那菩薩_ニ唐言龍_ニ非也_ニ勿傳雅譽長擅高名
捨離欲愛出家修學深究妙理位登初地有大弟子
提婆者智慧明敏機神警悟白其師曰波吒釐城諸

學人等辭_ニ外道不擊捷稚_ニ日月驟移十二年矣我
欲摧邪見山然正法炬龍猛曰波吒釐城外道博學
爾非其儔吾今行矣提婆曰欲摧腐草詐必傾山敢
承_ニ指_ニ誨_ニ黜_ニ諸異學_ニ大師立外道義而我隨文破析詳
其優劣然後圖行龍猛乃扶立外義提婆隨破其理
七日之後龍猛失宗已而嘆曰謬辭易失邪義難扶
其行矣摧彼畢矣提婆菩薩夙擅高名波吒釐城
外道聞之也即相召集馳白王曰大王昔紆_ニ轡_ニ見_ニ制
諸沙門不擊捷稚願垂_ニ告_ニ命令_ニ諸門候_ニ隙_ニ境_ニ異僧勿
使入城恐相黨援輕改_ニ先制_ニ王允其言嚴加_ニ伺_ニ候_ニ提

婆既至不得入城聞其制令便易衣服卷疊婆娑置
草束中褰裳疾驅負載而入既至城中棄草投衣至
此伽藍欲求止息知人既寡莫有相舍遂宿捷椎臺
上於晨朝時便大振擊衆聞伺察乃昨客遊苾芻諸
僧伽藍傳聲響應王聞究問莫得其先至此伽藍咸
推提婆提婆曰夫捷椎者擊以集衆有而不用惡之
何為王人報曰先時僧衆論議墮負制之不慙已十
二年提婆曰有是乎吾於今日重聲法鼓使報王曰
有異沙門欲害前耻王乃召集學人而定制曰論失
示殺身以謝於是外道漸陳陳鼓誼談異議各曜

辯鋒提婆菩薩既昇論座聽其先說隨義析破曾不
決反摧諸異道國王大臣莫不慶悅建此靈基以旌
至德

建擊捷椎窰堵波北有故基昔鬼辯婆羅門所居處
也初此城中有婆羅門葺宇葺殿不交世路祠鬼求
福題題相依高論劇談雅辭響應人或激難垂雅已
對舊基而才無出其右士庶翕然仰之猶垂有阿濕
婆沙門言菩薩者智周萬物道播三乘每謂人曰
此婆羅門學不師受藝無藝古屏居幽寂獨擅高名
將非神鬼相依妖魅所附何能若是者乎夫辯資鬼

授言不對人辭說一聞莫能再述吾今往彼觀其舉措遂即其廬而謂之曰仰欽盛德爲日已久幸願寒惟敢伸宿志而婆羅門居然簡傲垂帷以對終不面談馬鳴心知鬼魅情甚自負辭畢而退謂諸人曰吾已知之摧彼必矣子往白王唯願垂許與彼居士較論劇談王聞駭曰斯何人哉若不證三明具六通何能與彼論乎命駕躬臨詳鑒辯論是時馬鳴論三藏微言述五明大義妙辯縱橫高論清遠而婆羅門既述辭已馬鳴重曰夫吾言矣宜重述之時婆羅門默然杜口馬鳴叱曰何不釋難所事鬼魅宜速授辭疾

寒其惟視占其怪婆羅門惶遽而曰止止馬鳴退三言曰此子今晨聲聞失墜虛名非久斯之謂也王曰非夫盛德誰鑒左道知人之哲絕後光前國有常典宜旌茂實

城西南隅二百餘里有伽藍餘址其傍有窣堵波神光時燭靈瑞間發近遠衆庶莫不祈請是過去四佛坐及經行道迹之所故伽藍西南行百餘里至鞞羅釋迦伽藍庭宇四院觀閣三層崇臺累砌重門洞啓頻毗婆羅王末孫之所建也旌召高戈廣延俊德異域學人遠方髦彦同

類相趨肩隨定止僧徒千數並學大乘中門當塗有三精舍上置輪相鈴鐸虛懸下建三基軒檻周列戶牖棟梁塲垣階陛金銅隱起廟間莊嚴中精舍佛立像高三丈左多羅菩薩像右觀自在菩薩像九斯三像鎏石鑄成威神肅然宜鑒速矣精舍中各有舍利一升靈光或照奇端間起鞞羅輝迦伽藍西南九十餘里至大山雲石幽蔚靈仙攸舍毒蛇棲龍窟穴其藪猛獸摯鳥棲伏其林山頂有大磐石上建窣堵波其高十餘尺是佛入定處也昔者如來降神止此坐斯磐石入滅盡定時經宿焉諸天靈聖供養如來敬

天樂雨天華如來以定諸天感慕以寶金銀起窣堵波去聖逾邈寶變爲石自古迄今人未有至遙望高山乃見異類長蛇猛獸群從右旋天仙靈聖肩隨讚禮

山東蘭有窣堵波在昔如來佇觀摩揭陀國所獲之處也山西北三十餘里山阿有伽藍負嶺崇基疏崖峙閣僧徒五十餘人並習大乘法教瞿那末底唐言德志菩薩伏外道之處初此山中有外道摩耆婆耆祖僧以之汰而習道焉學窮內外言極空有名高前無德重當時君王珍敬謂之國寶臣庶宗仰咸曰家師隣

國學人承風仰德傳之先進誠博達也食邑二城環
居封建時南印度德慧菩薩幼而敏達早擅清微學
通三藏理窮四諦聞摩訶婆論極幽微有懷挫銳命
一門人裁書謂曰敬問摩訶婆善安樂也宜忘勞弊
精思舊學三年之後摧汝嘉聲如是第二第三年中
每發使報及時發迹重裁書曰年期已極學業何如
吾今至矣汝宜知之摩訶婆止懷惶懼誠諸門人及
以邑戶自今之後不得居止沙門異道逆相宣告勿
有犯違時德慧菩薩杖錫而來至摩訶婆邑邑人守
約莫有相舍諸婆羅門更誓之曰斷髮殊服何異人

乎宜時速去勿此上也德慧菩薩欲知其宿其
邑曰以意心思辭謝曰願止諦之淨行我又勝義
諦之淨行淨行既同何為見拒婆羅門因不與言但
事還逐逐出邑外入大林中林中猛獸群行為暴有
害乃東持杖謂菩薩曰南印度有
德慧菩薩者遠傳聲聞欲來論議故此邑主懼
其害乃制勿止沙門恐為物害故來相接行矣自
此他處德慧曰良告淨信德慧者我是也淨信
聞已更深恭敬謂德慧曰誠如所告宜可速行既出
深林止息空澤淨信繼火持弓月旋左右夜分已盡

謂德慧曰可以行矣恐人知聞來相圖害德慧謝曰不敢忘德於是遂行至王宮謂門者曰今有沙門自遠而至願王垂許其摩沓婆論王聞驚曰此妄人耳即命使臣往摩沓婆所宣王旨曰有異沙門來求談論之已望聽論場宣告遠近佇望來儀願垂降趾摩沓婆聞心甚不悅事難辭免遂至論場國王大臣士庶豪右咸皆集會欲聽高談德慧先立宗義泊乎景落摩沓婆辭以年襄智昏捷對請歸靜思方酬來難每事言及且昇座竟無異論至第六日歐血而死其

將終也顧命妻曰爾有高才無忘所學摩沓婆死後不發喪更服鮮綺來至論會眾咸誼譁更相謂曰摩沓婆自負才高耻對德慧故遣歸來優劣明矣德慧菩薩謂其妻曰能復汝者我已制之摩沓婆妻知難而退王曰何如王曰便默然德慧曰惜哉摩沓婆死之其妻欲來與我論耳王曰何以知之願垂指告德慧曰其妻之來也面有死喪之色言含哀怨之聲其狀之摩沓婆死矣能制汝者謂其夫也王命使從觀果如所議王乃謝曰佛法玄妙英賢繼興無為宗道合議露化依梵國典褒德有常德慧曰苟以愚

昧體道。居真存止。足論齊物。將弘及引。先摧傲慢。方便攝化。今其時矣。唯願大王以摩奢婆邑戶子孫。千代常充僧伽藍人。則垂誠來業。流美無窮。唯彼淳信。見匡護者。福延千世。食用同僧。以勸清信。以褒厚德。於是建此伽藍。式旌勝迹。初摩奢婆論敗之後。十數淨行。其時國告諸外道。此辱之事。招募英俊。不雲前耻。王既珍敬。德慧躬往。謂曰。今諸外道不自量力。結黨連群。敢聲論鼓。唯願大師。推諸異道。德慧曰。宜集論者。於是外道學人欣然相慰。我曹今日勝其必矣。時諸外道開揚義理。德慧菩薩曰。今諸外道。此難

達。遊如王先制。皆是賤人。我今如何與彼對論。德慧曰。有負座。堅素聞餘論。頗閑微旨。侍立於側。聽諸高談。德慧拊其座而言曰。牀汝可論。衆咸驚駭。異其所命。時負座堅便即發難。深義泉涌。清辯響應。三復之後。外道失宗。重挫其銳。無折其翻。自伏論已。來爲伽藍。邑戶德慧伽藍。西南二十餘里。至孤山。有伽藍戶羅陀陀羅。戒賢論師。論義得勝。捨邑建焉。竦一危峯。如窣堵波。置佛舍利論師三摩咀吒國之王族。婆羅門之種也。少好學。有風操。遊諸印度。詢求明哲。至此國。那爛陀僧伽藍。遇護法菩薩。問法信悟。請服染衣。

諮以究竟之致問以解脫之路既窮至理亦究微言
名擅當時聲高異域南印度有外道探賾索隱窮幽
洞微聞護法高名起我慢深嫉丕阻山川擊鼓論
曰我南印度之人也承王國內有大論師我雖不敏
願與詳議王曰有之誠如議也乃使臣請護法曰
南印度有外道不遠千里來求較論唯願降趾赴集
論塲護法聞已攝衣將往門人戒賢者後進之勳梵
也前進請曰何處行乎護法曰自慧已潛暉傳寂
照外道蟻聚異學蜂飛故我今者將摧彼論戒賢曰
恭聞餘論敢摧異道護法知其俊也因而允焉是時

戒賢年三十衰輕其心難獨任護法知衆心之
不平乃解之曰有貴高明無云齒歲以今觀之破彼
必矣逮乎集論之日遠近相趨少長咸萃外道弘闡
大猷盡其幽致戒賢循理責實深極幽玄外道辭窮
蒙耻而退王用勅德封此邑城論師梵曰染衣之士
事資知足清淨自守何以邑爲王曰法王晦迹智再
濟濟不有旌別無勵後學爲弘正法願垂哀納論師
等已受此邑焉便建伽藍窮諸規矩捨其邑戶
式修供養戒賢伽藍西南行四五十里渡尼連禪河
至伽耶城甚陰回少居人唯此門有千餘家太仙

人之祚胤也王所不臣衆咸宗敬城北三十餘里有
清泉印度相傳謂之聖水凡有飲濯罪垢消除

城西南五六里至伽耶山溪谷杳冥峯巖危險印度
國俗稱曰靈山自昔君主馭宇承統化洽遠人德隆
前代莫不登封而告成功山頂上有石窠堵波高百
餘尺無愛王之所建也靈鑒潛被神光時燭昔如來
於此演說寶雲經

伽耶山東南有二窠堵波迦葉波本生邑也其南有
二窠堵波則伽耶迦葉波捺提迦葉波舊曰耶提也
迦字略也五火之處

伽耶迦葉波事火東渡大河至鉢羅笈菩提山前正

覺山如來所證正覺先登此山故云前正覺如來勤求六歲未成正覺後

捨苦行示受乳糜行自東北遊目此山有懷幽寂欲

證正覺自東北隨登以至頂地既震動山又傾搖山

神惶懼告菩薩曰此山者非成正覺之福地也若止

於此入金剛定地當震陷山亦傾覆菩薩下自西南

止半崖中背巖面澗有大石室菩薩即之加趺坐焉

地又震動山復傾搖時淨居天空中唱曰此非如來

成正覺處自此西南十四五里去苦行處不遠有畢

鉢羅樹下有金剛座去來諸佛咸於此坐而成正覺

願當就彼菩薩方起室中龍曰斯室清勝可以證聖
唯願慈悲勿有遺棄菩薩既知非取證所為遂於今時或有得見也諸天前導往菩提
留影而去影在昔以賢愚咸觀猶在樹逮乎無憂王之興也菩薩登山上下之迹皆樹旌
表建窳堵波度量雖殊靈應莫異或華雨空中或光
照幽谷每歲罷安居日異方法俗登彼供養信宿乃
還前正覺山西南行十四五里至菩提樹周垣壘軌
崇峻險固東西長南北狹周五百餘步奇樹名華連
陰接影細沙異草弥漫緣被正門東闢對尼連憍河
南門接大華池西阨險固北門通大伽藍塼垣內地

聖迹相隣或窳堵波或復精舍並瞻部洲諸國君王
大臣豪族欽承遺教建以記焉

菩提樹垣正中有金剛座昔賢劫初成與大地俱起
據三千大千世界之中下極金輪上侵地際金剛所
成周百餘步賢劫千佛坐之而入金剛定故曰金剛
座焉聖道所亦曰道場大地震動獨無傾搖是故
如來將證正覺也歷此四隅地皆傾動後至此處安
靜不傾自入末劫正法浸微沙土弥覆無復得見佛
涅槃後諸國君王傳聞佛說金剛座量遂以兩軀觀
自在菩薩像南北標界東面而坐聞諸耆舊曰此菩

薩像身沒不見佛法當盡今南隅菩薩沒過曾臆矣
金剛座上菩提樹者即畢鉢羅之樹也昔佛在世高
數百尺屢經殘伐猶高四五丈佛坐其下成等正覺
因而謂之菩提樹焉葉幹黃白枝葉青翠冬夏不凋
光鮮無變每至如來涅槃之日葉皆凋落頃之復故
是日也諸國君王異方法俗數千萬衆不召而集香
水香乳以溉以洗於是奏音樂列香華燭炬繼日競
修供養如來寂滅之後無愛王之初嗣位也信受邪
道毀佛遺迹興發兵徒躬臨剪伐根莖枝葉分寸截
截次西數十步而積聚焉今事火婆羅門燒以祠天

煙焰味靜忽生兩樹猛火之中茂葉含翠因而謂之
灰菩提樹無愛王觀異悔過以香乳溉餘根泊乎將
且附生如木王見靈怪重深欣慶躬修供養樂以忘
歸王信外道密遣使人夜分之後重伐其樹無愛
王以禮來見葉深增悲慨至誠祈請香乳既
灌不日復生王深敬舉豐石周垣其高十餘尺今猶
見三起設賞迦王者信受外道毀滅佛法壞僧伽益
其惡樹搗至泉水不盡根撼乃然火焚燒以甘燕
汁沃之欲其焦爛絕滅遺萌數月後摩揭陀國補剌
罕伐摩王唐言補言無愛王之末孫也聞而嘆曰慧日已

隱唯餘佛樹今復摧殘生靈何覩舉身投地哀感動
物以數千牛搆乳而飢經夜樹生其高丈餘恐後剪
伐周時山垣高二丈四尺故今菩提樹隱於石壁上
出二丈餘菩提樹東有精舍高百六七十尺下基面
廣二十餘步壘以青甃塗以石灰甃甃皆有金像四
壁作奇製或連珠形或天仙像上置金銅阿摩羅
迦果又謂寶璣東面擬爲重閣宇特起三層樓柱
棟梁戶扉悉雕金銀周鏤以飾之殊玉廁錯以填之
泉室邃宇洞戶三重外門左右各有龕室左則觀自
左菩薩像右則慈氏菩薩像白銀鑄成高十餘尺精

舍故地無愛王先建小精舍後有婆羅門更廣建焉
初有婆羅門不信佛法事大自在天傳聞天神在雪
山中遂與其弟往求願焉天曰九諸願求有福方果
非汝所祈非我能遂婆羅門曰修何福可以遂心天
曰欲植善種求勝福田菩提樹者證佛果處也宜時
速遊行菩提樹建大精舍穿大水池興諸供養所願
當遂婆羅門受天命發大信心相率而返兄建精舍
弟鑿水池於是廣修供養勤求心願後皆果遂爲王
人臣凡得祿賞皆入檀舍精舍既成招募工人欲圖
如來初成佛像曠以歲月無入應召久之有婆羅門

來告衆曰我善圖寫如來妙相衆曰今將造像夫何所須曰香泥耳宜置精舍之中并一燈照我入已堅閉其戶六月後乃可開門時諸僧衆皆如其命尚餘四月未滿六月衆咸駭異開以觀之見精舍內佛像儼然結加趺坐右足居上左手斂右手垂東面而坐肅然如在座高四尺二寸廣丈二尺五寸像高丈一尺五寸兩膝相去八尺八寸兩肩六尺二寸相好具足慈顏若真唯右乳上塗點未周既不見入方驗神聖衆咸悲嘆殷勤請知有一沙門宿心淳質乃感夢見往婆羅門而告曰我是慈氏菩薩恐工人之思不

測聖容故我躬來圖寫佛像垂右手者昔如來之將證佛果天魔來繞地神告至其一先出助佛降魔如來告曰汝勿憂怖吾以忍力降彼必矣魔王曰誰爲明證如來乃垂手指地言此有證是時第二地神踊出作證故今像手放昔下垂衆知靈鑒莫不悲感於是乳上未周填廁衆寶珠纓寶冠奇珍交飾設賞迦正伐菩提樹已欲毀此像既覩慈顏心不安忍廻駕將還命宰臣曰宜除此佛像置大自在天形宰臣受命懼而歎曰毀佛像則歷劫招殃違王命乃喪身滅族進退若此何所宜行乃召信心以爲役使遂於像

前橫疊甃心懃冥闇又置明燈甃壁之前畫自在天
功成報命王聞心懼舉身生趣肌膚攢裂居未久之
便喪沒矣其臣馳逐毀除障壁時經多日燈猶不滅
像今尚在神功不虧既處奧室燈炬相繼欲覩慈顏
莫由審察必於晨朝持大明鏡引光內照乃覩靈相
夫有見者自增悲感如來以卽度吠舍佉月後半八
日成等正覺當此三月八日也上座部則吠舍佉月
後半十五日成等正覺當此三月十五日也是時如
來年三十矣或曰年三十五矣

菩提樹北有佛經行之處如來成正覺已不起千座

七日寂定其起也至菩提樹北七日經行東西往來
行十餘步異華隨迹十有八文後人於此疊甃爲基
高餘三尺聞諸先志曰此聖迹基表人命之脩短也
先覺誠願後乃度量隨壽脩短數有增減

其行基北道左磐石上大精舍中有佛像舉目上望
昔者如來於此七日觀菩提樹目不輟捨爲報樹恩
故此瞻望

菩提樹西不遠大精舍中有鎗石佛像飾以奇珍東
面而立前有青石奇文異彩是昔如來初成正覺梵
王起七寶堂帝釋建七寶座佛於其上七日思惟放

異光明照菩提樹去聖悠遠實變為石

菩提樹南不遠有窣堵波高百餘尺無憂王之所建也菩薩既涅槃尼連河將趣菩提樹竊自惟念何以爲也白發明當須淨草天帝釋化其身爲刈草人荷而菩薩謂曰所荷之草頗能慧耶化人問曰然以草菩薩受已執而前進受草東北不遠有窣堵波是非菩薩將證佛果者在群鹿共禱之處印度休徵斯爲嘉應故淨居天隨順世間群從飛繞勅靈顯聖菩提樹東大路左右各一窣堵波是魔王繞菩薩處也菩薩將證佛果魔王勸受輪王策說不行發覺而

返魔王之女請往誘焉菩薩威神表變治容扶羸策杖相攜而退

菩提樹西北精舍中有迦葉波佛像既稱靈聖時燭光明聞諸先記曰若人至誠旋繞七周在所生處得宿合智

迦葉波佛精舍西北二軌室各有地神之像昔者如來結成正覺一報魔至一爲佛證後人念功圖形旌

菩提樹垣西北不遠有窣堵波謂鬱金香高四十餘尺漕矩吒國商主之所建也昔漕矩吒國有大商主

宗事天神祠求福利輕蔑佛法不信因果其後將諸
商侶以運有燕汎舟南海遭風失路波濤飄浪時經
三歲資糧罄竭糊口不充同舟之人朝不謀夕勦力
同志心所事天心慮已勞其功不濟俄見大山崇崖
峻嶺兩日聯輝重明照朗時諸商旅更相慰曰我曹
有福遇此大山宜於中止得自安樂商主曰非山也
乃摩竭魚子崇崖峻嶺也兩日聯輝眼光也言
聲未靜舟帆飄湊於是商主告諸侶曰我聞觀自在
菩薩於諸厄厄能施安樂宜各至誠稱其名字遂即
同聲誦念歸念崇山既隱兩日亦沒俄見沙門威儀

摩序杖錫陵虛而來極溺不踰時而至本國矣因即
信心貞固求福不回建窣堵波式修供養以鬱金香
泥而周塗上下既發信心率其同志躬禮聖迹觀菩
提樹未暇言歸已渡海朔商侶同遊更相謂曰山川
懸闊鄉國遼遠昔所建立窣堵波者我曹在此誰其
護持言訖旋繞至此忽見有窣堵波駭其由致即前
瞻察乃本國所建窣堵波也故今印度因以爵金爲
高菩提樹垣東南隅尼拘律樹側窣堵波傍有精舍
中作佛坐像昔如來初證佛果大梵天王於此勸請
轉妙法輪

菩提樹垣內四隅皆有一大窠堵波在昔如來受吉
詳草已趣菩提樹先歷四隅大地震動至金剛座方
得安靜樹垣之內聖迹鱗次差難遍舉

菩提樹垣外西南窠堵波奉乳糜二牧女故宅其側
窠堵波牧女於此煮糜次此窠堵波如來受糜處也
菩提樹南門外有大池周七百餘步清闌澄鏡龍魚
潛宅婆羅門兄弟承大自在天命之所鑒也次南一
池在昔如來初成正覺方欲浣濯天帝釋為佛化成
池西有大石佛浣衣已方欲騰躍天帝釋自大雪山
持來也其側窠堵波如來於此納故衣次南林中窠

堵波如來受貧老母施故衣處帝釋化池東林中有
目支隣陀龍王池其水清黑其味甘美西岸有小精
舍中作佛像昔如來初成正覺於此宴坐七日入定
時此龍王警衛如來即以其身繞佛七匝化出多頭
臂垂為蓋故池東岸有其室焉目支隣陀龍池東林
中精舍有佛羸瘦之像其側有經行之所長七十餘
步南此又有畢鉢樹故今士俗諸有嬰疾香油塗
像多除差北菩薩修苦行處如來為伏外道又受
鹿請於是苦行六年日食一麻一麥形容較悴膚體
麻痺經行往來攀樹後起處

菩薩苦行畢鉢羅樹側有窣堵波是阿昔憍陳如等
五人住處初太子之捨家也彷徨山澤棲息林泉時
淨飯王乃合五人隨瞻侍焉太子既修若行憍陳如
等亦即勤求

憍陳如等住處東南有窣堵波菩薩入尼連憍那河
沐浴之處河側不遠菩薩於此受食乳糜其側窣堵
波二長者獻麁蜜處佛在樹下結加趺坐寂然宴默
受解脫樂過七日後方從定起時二商主行次林外
而彼林神告商主曰釋種太子今在此中初證佛果
心疑寂定四十九日未有所食隨有奉上獲大善利

時二商主各持行貨麁蜜奉上卅尊納受長者獻
側有窣堵波四天王奉鉢處商主既獻麁蜜卅尊思
以何器受之時四天王從四方來各持金鉢而以奉
上卅尊默然而不納受以為出家不宜此器四天王
捨金鉢奉銀鉢乃至頗胝瑠璃瑪瑙車渠真珠等鉢
卅尊如是皆不納受四天王還宮奉持石鉢紺青
映澈重以紺青而揔受之次第重疊
按為一鉢此外則有頗胝瑠璃四天王獻鉢側不遠
有窣堵波如來為摩訶薩處也如來既成正覺攝天
人師其母摩耶白梵宮降於此處卅尊隨機示教利

喜其側洞池岸有窣堵波在昔如來現諸神變化有
綠髮現神變側有窣堵波如來度愛婁頻螺迦葉波
三兄弟及千門人處如來方垂善導隨應降伏時優
婁頻螺迦葉波五百門人請受佛教迦葉波曰吾亦
與爾俱返迷途於是相從來至佛所如來告曰棄鹿
皮衣捨祭火具時諸梵志恭承聖教以其服用投尼
連河捺提迦葉波見諸祭器隨流漂泛與其門人候
兄動靜既見改轍亦隨染衣伽耶迦葉波與二百門
人聞其兄之捨法也亦至佛所願修梵行

度迦葉波兄弟西北窣堵波是如來伏迦葉波

大迦葉如來將化其人先伏所宗乃止梵志火龍之
室夜分已後龍吐煙焰佛既入定亦起火光其室洞
然猛熾炎熾諸梵志師恐火害佛莫不奔赴悲號
惜優婁頻螺迦葉波謂其徒曰以今觀之未必火也
當是沙門伏火龍耳如來乃以火龍盛置鉢中清且
持示外道門人其側窣堵波五百獨覺同入涅槃
也目支隣陀龍池南窣堵波迦葉救如來溺水處也
迦葉兄弟時推神道遠近仰德黎庶歸心世尊方導
迷徒大權攝化興布密雲降注暴雨周佛所居今獨
無水迦葉是時見此雲雨謂門人曰沙門住處將不

漂溺泛舟來救乃見世尊履水如地踏河中流水分沙現迦葉見已心伏而退

菩提樹垣東門外二三里有盲龍室此龍者殃累宿積報受生盲如來自前正覺山欲趣菩提樹途次室側龍眼忽明乃見菩薩將趣佛樹謂菩薩曰仁今不又當成正覺我眼盲冥于茲已久有佛興世我眼暫明賢劫之中過去三佛出興世時已得明現仁今至此我眼忽開以故知之當成佛矣

菩提樹垣東門側有窣堵波魔王怖菩薩之處初魔主知菩薩將成正覺也誘亂不遂憂惶無賴集諸神

夜齊整魔軍治兵振旅將惱菩薩於是風雨飄注雷電晦冥縱火飛煙揚沙激石備矛楯之具極發矢之用菩薩於是入大慈定允厥兵仗變爲蓮華魔軍怖服奔馳退散其側不遠有二窣堵波帝釋梵王之所建也

菩提樹北門外摩訶菩提僧伽藍其先僧伽羅國王之所建也庭宇六院觀閣三層周堵垣墻高三四丈匠工入之妙丹青之飾至於佛像鑄以金銀允厥前夜諸窣堵波高廣妙飾中有如來舍利其骨舍利如手指節光潤鮮白皎徹中外其肉舍利

利如大真珠色每歲至如來大神變月滿之日出示衆人此月十五日也此時也或放光或兩華僧徒千人習學大乘上座部法律儀清肅戒行貞明昔者南海僧伽羅國其王淳信佛法自天然有族弟出家想佛聖迹遠遊印度寓諸伽藍咸輕邊鄙於是返迹本國王躬遠迎沙門悲哽若不能言王曰將何所負若此殷愛沙門曰我渴恃國威遊方問道羈旅異域載罹寒暑動遭陵辱語見譏誚負斯憂耻詎得歡心王曰若是者何謂也曰誠願大王福曰為意於諸印度建立伽藍旣旌聖迹又擅高名

福資先王恩及後嗣曰斯事甚美聞之何晚於是以前國中寶獻印度王王旣納貢義存懷遠謂使臣曰我今將何持報來命使臣曰僧伽羅王誓首印度大吉祥王大王威德遠振慧澤遐被下土沙門欽風慕遊上國展敬聖迹寓諸伽藍莫之見館艱辛已極而歸竊圖遠謀貽範來葉於諸印度建一伽藍使客遊乞士有所兩國交歡行人無替王曰如來潛化遺胤斯在聖迹之所任取一焉使者奉辭報命群臣拜賀遂乃集諸沙門評議建立沙門曰菩提樹者夫來諸佛咸此證聖考之異議無出此謀於

是捨國珍寶建此伽藍以其國僧而修供養乃刻銅爲記曰夫周給無私諸佛至教惠濟有緣先聖明訓今我小子丕承王業式建伽藍用旌聖迹福資祖考慧被黎元唯我國僧而得自在及有國人亦同僧例傳之後嗣永永無窮故此伽藍多執師子國僧也菩提樹南十餘里聖迹相隣難以備舉每歲苾芻解雨安居四方法俗百千萬衆七日七夜持香華鼓音樂遍遊林中禮拜供養卽度僧徒依佛聖教皆以室羅伐拏月前半一日入兩安居當此五月十六日以頻濕縛廋闍月後半十五日解兩安居當此八月十五

二十 齋尾林寔

大唐西域記卷第八

日印度月名依星而建古今不易諸部無差良以方
言未融傳譯有謬分時計月致斯乖異故以四月十
六日入安居七月十五日解安居也

也 塾濕上音店 嫗烏句反 袷服上音勝 好 酣歌上音戶 醉
 也 礫裂上張隔反 堙塹上音因 塞也下 覆壽上音副 盜
 丘 馨下呼 漣漪上音連 下於宜反 鯢鯢上已利反 下
 也 希望 遘古候反 果核下胡扣擊土音口 詬詬許候反
 也 闕刺上於葛反 汰治也 反 簡傲下音告反 叱曰上
 下郎達反 也

吉反阿鞮羅上音堦垣上而專反下音幽蔚下茂盛

也執手音俊擊之鳥也上音至正作鷩鷩盤石上音迄今許乞反摩摩水水

下唐反
毆血也
上鳥口
反吐
探睛助
隔反
含反
幽微也
取也
下
淪滑

下息餘反
沒也落也
笈反
葉
莖榦
反下古
枝且
一漚
一古
次也愛反
蘗株
列上
反與

伐木之也 簷宇上音益屋 榱桷上音追 屋角頭也反皮包 蒲貌反攬

裂上俱吠
爪一
攀也反
以
刈上莫吠
草割也
涪上曹到反
矩下俱主反
髻上
鬣上

夷反下良轉羸瘠下戈亦反瘦也仿惶下音皇反少

蜜二尺小反將骨下許業反或作予楸上莫導反下

擿之屬也



Blank page with faint, illegible markings or ghosting of text from the reverse side.

